

沅
湘
耆
舊
集

沅湘耆舊集卷第八十七

新化鄧顯鶴湘臯編輯

長沙毛國翰青垣校訂

陳徵君長鎮

五十二首

長鎮字宗五號延溪武陵人乾隆戊辰進士改庶
吉士乞假省親歸途聞母喪大慟嘔血數升未幾
卒有白雲山房集先生幼好學有篤行雍正初舉
孝廉方正郡縣以其名應不就以優薦入都多羅
平郡王慕其學行欲招致之以母老固辭乾隆元
年舉博學鴻辭報罷王因致其母諭以要之敬禮
有加所爲古今體詩極多才思溢發不名一家茶

沈湘耆舊集

卷第八十七

陵彭尚書維新謂其始跨昌谷繼神明於少陵昌
黎以闕漢魏縱橫沈厚不可端倪其推與如此全
集甚富未有刊本余客朗州從其家索得詩集鈔
本爲擇其尤者入斯集云

三瀧水

客行逾郴嶺怒湍吁可怪兩崖夾地束一水侵天隘白日
灑霜威百里聞雷喝亂石縱且橫激波吐以呃支離專車
骨扼塞背水塞玉甲百萬龍銀鉤五十牯鬚鬣豎嶄劣鱗
介飛殘敗跳沫揚素沙噴珠玢白婢撒淚走舴艋錯愕攢
矛鍛上下倏無狀衝突慘欲壞梭擲迷西東誦沸浮蠶芥
獅吼難自持騃奔不可殺遙矚前舟危益凜後車戒濟川

心乍枯履險命同剗洪濤已漸遠萬竅猶爭噫初入如就
烹甫出勝破械仰觀林鳥倦始識梁燕快羅浮渺得許乘
雲駕言邁

監豪山

玉皇紛咳唾珠玉九天下頰朶
齟齬張舌本黃金瀉水骨
立枯柴去石肋橫閒架黑鼈
噀雲屑玉龍吼鐵鯀女媧遺
殘礫擊撞吁可嚇亦聞煮丹砂
黃白渾未化吳鉤古雪盤
魯縞強弓射開闕九國怒設險
一戰霸冷翠墮烏巾幽光
連雨勝叱咤百鳥匿峻惡五丁
怕獠獠長孫子魍魎聯姻
婬緬思南漢勳原注朱潘美伐南
漢劉鋹屯兵於此悔不東家嫁
空滯碧潭
鱗未纜青冥靶老蛟勿悲號
吾將策高駕

英德峽

原注一名滇陽峽一名高石山

昨日監豪瀧今日滇陽峽
鯨宮一線開象齒千行插
山根筋骨堅水寨旗鎗挾
河走崑崙脊劍拔茱萸匣
撩倒雲氣慘威遲林影狹
蛟螭鎖寒井虎兕閉幽柙
地膚贅懸甕天車擁大嬰
野猿唬長夜飛隼凝高峽
險疑巨靈擘陰畏山壓鬼
指白乳鵝鵝膏碧蘚蟻蛭
甲浮煙帶海腥微卵愁山
壓蹉跎擬歸休涼風吹白
袷

中宿峽

滇江束一帶峽屯千人軍
滿目蟲鳥跡映水冰斯文
混元剖奇異神鬼勞鋤耜
青霄會罔象幽險走山嶺
客思浩漠愁破得所欣豈
能免羈絃想彼猿鶴羣煙
中行人語雲

端大狷狷翠碧入澹澗精靈通慇懃悠然洗塵壒相親嶺
上雲

定心泉

知慧吐光明清淨涌甘露金沙澄覺海寶珠飛花雨煙含
毒龍腥沫濺獅子乳鏡象眞如照性定生大悟吾道自有
源誰能知其故雲根濬須彌安用矜杯廢聊因梵天音湛
然見太素黑白自成業倚我普提樹未得汝心安空踏石
頭路衆生同一泉吁嗟塵垢汚

半雲亭

亭高半飛雲積翠涵光炯疊勢漲波濤空中落咳聲路滑
愁失足泉聲欲濯頂坐久洽元妙水石爭肯綮渴日巖腹

生飛鳥山腰迴止觀洞虛無靜裏忘畦町何必涉崇巔廓然爭溟滓

達摩石

達摩垂白髮負衣走萬里廣開不二門老死一隻履冷坐踰九年性情枯石裡至今聞茲地風雷不能徙嶄削五峯骨清潤三明髓寒了肉髻瘦荒草白豪委我無廣長舌目現千花藥憶從六祖還蟬鳴分噪耳西歸餘一卷靈光半江水

歸猿洞

夕陽繞山背荒徑明虹霓入洞寒煙積彷彿聞猿曉幽谷若有人峽雨暗已西一體倏變化人物理固齊梧葉冷秋

風零落蕙草萋馨香當歲暮尋芳意已迷防身鑄吳鉤須
時斬鯨鯢不遇白袁公寒光委塵泥卻思賦芋者渺渺白
雲低

縹幡嶺

錦幡開廣幙翠浪如奔濤力排厚地窄勢壓蒼天高入林
含變態映水明秋豪煙幃彌縫密雲雨扇礎牢慘慘夕陽
外瘦削露肩尻巨高昔南伐殺氣驚鯨鼉明神搖寶幢魑
魅駭以逃窈窕虛無裏恍惚屯旌旄陵谷幾回換天地亦
云勞

凝碧灣

原注東坡句天開清遠
峽地轉凝碧灣卽此

遠霽帶暝色餘靄寒欲墮移履近江臯山昏忽外輶曲岸

沙洲耆舊集 卷第八 四
橫弓稍一水流箭筈激濫淨且碧悠悠吾喪我蕭瑟波上
風明滅林中火松際晚鐘聲冥冥蒼煙裏物象澄幽碧客
路夷平頗冷冷送漁歌孤棹空江鎖

清遠峽

天窄蒼山高岸老精鐵積窄劣垂狼胡良崢懸象鼻黯黯
吐深流淝淝穿石櫃孤舟浮蠓蚋寒風吹蠱風危巖看欲
落地窘不得避壓腦理固然螳螂空奮臂黃鵠杳莫舉遊
龍乍回轡堂隍一徑闢帳幙千絲墜經亘屯雲雷赫怒儼
將帥虎豹嘯生風鮫人寒有淚卻疑造化初孰定高卑位
五嶽復有五何必十洲記偃僂挽長維石灰無天地如彼
衆小兒風蔕一縷寄又如轉轡轉修綆提復縋一步乍九

卻寸進還丈退崎嶇路轉仄始覺身爲累習之潭已苛注原
李錫云峽山少平地泉出山坡老閭徒費水太峻欲於浮
無所潭乃知物之全難能也
碧軒北作一小閭消爲
深潭以爲往來奇觀
山靈自有眞渾敦安可伎歎息語
舟子跋涉我何爲

張旭墨池

蘭若明綠水深松厰幽壑受茲一鏡圓會心在澹泊長史
曾臨此波濤爭踴躍魚蝦走霜穎蝌蚪皆錯愕遙想落筆
時風雨生林薄擔夫與劍氣妙理有所託只今墨浪湧香
氣滿寥廓潤傳屋漏痕寒侵古釵腳緬懷茫昧初文章局
縶籀眞宰啟龜龍點畫呈河洛眇此一泓深依然在渾噩
聖蹟鬼神司雲煙緘秘鑰

寄別慈田司農

初日帶驚飈蕭蕭吹長松長松吹尙可飄飄驚飛蓬十月
無雨雪暄和非嚴冬本未淆黑白天運豈屯蒙託身諒不
忒芳意誰能同零落甯所願摧殘亦至公塞雪猶含凍燕
山冰早融別離已三月春光轉蘭叢

美人眷芳林賞心勞採摘含香苟不渝何必階庭側匪矜
指爪長甯爲他人得百卉貴及辰未開先改色此花或再
榮此情非爲藹

言茹舌入喉意含腸縈骨征車不可待別憾暗中結萬里
蒼梧雲千里遼陽雪道遠性難融閱深計乃決昨夜關外
書字字明於月散作春雨聲滿懷如花發開門視前路浩

浩凍行轍回景光末高兩足幸未別良覲及秋風莫疑芳
草歇

答別屈晦翁

物色感意氣所志甯微祿金粟老布衣相與裁奇服其重
不一銖其光潤萬族上古中古心南山北山躅登高忽長
歎中原時狂目形衰意有餘道全遇不足負負念非才去
去慙推轂

知音固不易獻納良獨難明珠偶墮手沙礫揚其閒庭樹
來高風烏鵲嘯欲闌豈謂雞中鶴翻爲李下冠浮雲朝夕
馳仰視無慚顏社鼠鬼所畏芻狗人所捐三物萎草莽一
枝聊暫安俯吟多露篇今媿徙薪言

總角志刪述微言共誰陳著書有文中悵望越與秦萍水
非所計遇合良有神客心日已故客日日已新珠璣紛菱
地將隨馬足塵相知不共世此意庸何論勉力事甲乙人
定天所因青雲路悠悠白水不繇繇升沈勿復道珍重華
髮春

贈別各有宜吾子揚哀吟非無冠蓋遊感此平生心仰視
浮雲從俯挹春風襟飛鳥棲以下誰知情淺深策馬過瀟
水蕭瑟度寒林青天多雨雪山水留清音

狂清可結鄰委懷狂芳草東連善卷臺南指蒼梧道孤鸞
隔丹邱五音爲誰寶茲意當不諼庶往爲洒埽

答別可齋庶常

春風洗瓊林生意涵雙闕蕭蕭松柏枝獨帶經冬雪五載
京國塵幾日芳菲節所遇非仙才空有金丹訣瀛洲雲萼
重洞庭天一髮尙喜吾舌存所惜同懷別巍巍碣石宮閨
園一明月

骨肉本相親數世爲塗人浮雲兩相值依依同一身情融
跡斯遭遇異道彌敦一日偶乖離書札還相因銷銷鳳皇
孫哀哀雙雁羣結念翔寥廓斯志竟何申執手望再來欲
答聲復吞此別已如夢後會安可論

交歡古易離交惡衆所願雖云水有源魚龍看百變杯酒
翻波濤交臂張壇墀畦町苟不存潛澗良可判和風吹我
裾青天照子面不有金石懷往往徇譽歎採蓮蓮有心摘

瓜瓜有蔓他年見平生舉世羞貧賤

金閨當時秀照耀清湘渚颯遯千里駒佳士遽如許居高
聲易遠况乃深嚴府大雅久寂寥斯故或可覩一飛出其
羣一鳴震天宇神仙不苦吟鉛汞飛爲雨子賤且失學又
不常保聚虛心而實腹贈予以千古

事會各有偶先知安忍言一人偶失計三人同歲寒徒勞
永夜書鐙花大如盤鳳巢卽阿閣諒難展羽翰葉落晚秋
後花落早春前欲辭旣不宜欲言妨親賢避嫌實我私况
乃國士恩近慚屈悔翁遠愧申屠蟠此意子所知此去我
所安但擇皎日信誰云行路難

案延侯大科之徵湘潭司農實爲舉主當時
有以同姓爲嫌者因此廢落故詩意云然

城東數間廨樓托已成故何者覆露恩有情安可去空餘
肝膈言未遂東西住酒埽屬他人知我宿何處主人昔結
構自云盤石固化作水衡錢榮華誰永據今日春風前書
聲被庭樹道存身豈罔花開日又暮醴酒亮可懷別久子
應悟

去年歸有期今年猶紫陌高堂夢我至朝朝聽烏鵲車馬
非不具深忤高飛鶴雨前行雲厚雨後歸雲薄滿城蘭氣
香贈之以靈藥黑貂雖未敝白澤將遭諛幸慰倚門思終
赴連牀約河梁日忽匿相將保葵藿

出都書懷兼別同人

客久愁日長歸心悲歲晚青門遠於天隻輪不成轉道廣

知益寡囊空知每淺蕭蕭雪亂飛纖纖月又滿故人請行
別身去心亦遠留者爲誰氏頻勞斟酌別琰左手堙交河右
手平蠻蠻行行又何言天寒知袖短

恭和玉璫詩

承光殿開朝萬靈玉璫東序昭淳精天帝手自剗中成苞
含元氣滿不盈海若竄舞天吳迎跳鵬倬鯤蛟羣縈六龍
仰首安且平漚浮三山帶四瀛烏鵲免獲調王丁九州萬
國齊煦蒸有時瀉作銀河聲殘膏賸沫蘇根萌茲養昔陳
軒轅廷露泉黼黻蚩蚩慨辛沃唐虞隱形越四千年蜚
光英聖皇手提北斗星太和斟酌傾高瓴水族駿奔扶
首歸五老來遊西芳馨鈞天發響充廣庭五龍九鳳翔太

清小曲蛭鳴蒼蠅願吹韶管稱兕觥

彭蠡雪舟

飛廉刁刁擁雲車六鼇噴沫生齧牙織女天津浣素紗碎

搗白石勞神媧冷死康郎

山名

露瘦了鼃鼃縮壳攢泥沙飛

來慈嶺不還家菱鏡團團光慘澹帝女笑灑珍珠糝輕舸
斜碾羊毛氈冰紋坼裂千絲綉聲如嗽舌津饒啖風花亂
落歸鉛槧龜手皴膚窮元覽玉皇大野披雲裘瓊妃萬舞
腰枝柔冕旒颯選陳共球偷春翦水迷神州河淤西決崑
崙流日月凍破羲娥愁客子呵豪聳玉樓

望廬山

匡廬鬱鬱侵南斗剖判洪荒跨鶉首鎔成金莖插天樞鍊

就鐵軸壓地鈕只許星辰肘腋棲不放烏兔扶桑西鵬搏
山腰思一息雷升崖腳愁丹梯濛濛終古雲相逐面目變
幻難詰究江干歛靚煙顏開山靈對我還癰瘦天青山碧
渾相連上如青山下碧天其上昏夜明海日其下白晝埋
幽泉崑崙五老清埃壑猿鶴嬉遊天地外細細煙裏產龍
蛇仙車縹渺回旌旆悠悠人世隨颺風譚經坐冷霜楓紅
憑誰一挽天河水乘槎直欲凌秋空

紅毛劍歌

紫電照空天影碧海濤濺雪后土窄誰提長劍倚高秋銀
河倒捲長虹擲人言鬼子初生時誓同生死初鑄之其母
鼓鑪鑄金母其父鑿山取龍兒配陰偶陽參予顥鍊液鍾

霜少至老吁嗟慘刻有如此白日殺人如刈草夜來拔鞘
升臺望太白睽睽月食昂

黃山行

天都遙空多玉女笑立春風含春語娥眉明豔髻螺深腰
膝的歷衫袖舉香鬟亂插瑤華簪欲來不來愁人心多情
莫向蓬山去碧海茫茫不可尋天台恍惚有無裏相望相
思隔煙水翠濃脂膩百媚生令我倏歛成嗔喜飛飛清鳥
過藍關青綃一幅垂瓊環共誰爲雲復爲雨朝朝暮暮陽
臺閒閒連話我干煩慮纔吐長風乍翦去魑魅迷離虎豹
哮欲覓石梁知何處石爲鸞兮松爲車輕盈飄渺凌青霞
三十二環羅列侍二十四戶廣寒家楊柳絮如浮霧蛺蝶

飛休相妒雲之君倚柏樹芳顏煙開瘦骨石露妖嬈映夕陽徘徊轉相顧明月孰使來相窺颯然滅景嘒寒兔濛濛七聖行皆迷睠倚涼天溼素綈引領入房螢影亂耳中已復聞天雞清晨露洗芙蓉面窈窕黃山君不見

日本刀歌

紅毛鬼子持刀入一灣古水秋堂溼碧景斜明清露團日華騰跳舒晶丸提攜滿鞘妖魑哭座客淅瀝飛寒肉濁膠淬水燄花青光芒射殺旌頭星吳鴻倒竄昆吾澀劈電崩霜海波立萬里長風怒不開蛟虬斫斷鼉鼉哀語予國王初鑄此日日抱刀同臥起有時專旌討不庭一麾血走山湖腥斬首百萬無聲膩鬼母嗷嗷不敢悲國王持刀濫殺

生飛鳥不入日本城寶刀不肯任驅使一夕龍潛歸赤水
一千年後產真師獨浴靈池偶得之韜蹤飛上崑崙頂煉
就元精千丈迴翩然披髮下大洋指揮靈怪如驅羊磨鋒
喚天割牛斗撫鞞畫地江河吼向刀再拜招殘魂僵尸起
舞能人言一從真師歸驚嶺白鵬殺尾龜支冷往年蒐藏
見寶刀緣苔堆面紅塵高予憐神物未有主駕舶掀濤到
中土鯨奔鼉涌赤螭爭彩霞直上天神迎朝懸粵市鷹隼
妬夜夜蚊蚋落黃霧廿年索價知者誰來時黑髮皓如絲
感君撫摩良有以解環贈君報知己側聞西域未休兵將
軍防秋古北平霆擊雷轟壯士喜筵歌夾帳行千里提刀
出塞從衛青封侯何如老一經嗟余對刀腸已結幾人偶

傀勞剔雪兵木無刃際時雍筋骨久已消章縫方今聖
皇重儒術潤色太平枚馬筆小醜跳梁當自焚揭來麟閣
圖丹青贈予寶刀無用處紅毛鬼子還持去 廟堂禮義
爲干戈刀乎刀乎柰若何

紅毛鬼子歌

紅毛鬼子枯株形獷狎紫髯蛟龍腥碧瞳杲杲撐亭亭肌
理黝漆勻深青吐音鏗鏗搖老鈴蛙蟆塞耳疇能聽元機
秘巧多不經中有一部璇璣星樓船噉嘈走南溟虎符魚
服朝天廷洋彩焜炫真珠熒火齊之匣珊瑚釘五羊交市
連輜輶懋有化無鐘撞庭車書訖暨川揚靈異類豈必非
藩屏山珍海錯甯爲馨民心荒淫非典型而歸而國安而

炯不寶遠物 聖心甯恪守職貢綿軒齡

崖門弔古歌

星闕中原沸熱血銅蛇夜哭聲如裂汴都王氣水西流宮
門土花露眼愁大旗翻雲撞白日千里秋鵲咽鶯巢黑風
吹海飛驚沙冷雨洒骨生新芽絕贖刳肝三壯士手提火
帝眞龍子一輪赤日身中懸指揮餓虎爭蒼天踏雲排關
喚天轉神醉罷能走天犬夾馬遺香一綫無馮夷搥鼓神
鼇呼黃旂折斷颶母死百萬忠魂凝暮紫海潮如屋送神
歸滿空木葉迎風飛義和不到江南北岸石支天空翠色
幽谷夜作老龍吟海神掩耳嘵泔泔

題易公仙祝融觀日圖

祝融峯高天尺五何人夜半生毛羽颯颯天風地底來披
襟欲共陽鳥語是時羣動入醺黑朱陵有路行不得元氣
茫茫溼葛衣榆花漉漉漂回雪千峯萬峯羣靈從次第爭
朝赤帝宮羲和轡轡六御天雞一叫扶桑紅赤尤震動
出海水波濤起立奔魚龍天門咫尺開蕩蕩金蛇萬縷騰
晴虹靈境恍惚不可住青冥摩頂回罡風矯首獨奏鈞天
樂萬象森森凝海若誰知此是梁園客一幅生綃寫空碧
當時聲價傾鄒枚主人高築黃金臺歲月圖成心更苦精
神慘澹滄溟開去年一官落塵鞅鏡湖明月還孤往愁殺
金門應詔人裁詩遠寄蓬萊上奇觀近在庭欄前憾不相
隨猶曉煙吾心亦有鸞飛鰲欲敲玻璃碾青玉

題雪磯畫冊

近山不巢虎穴近水不戲蛟宮片石一托足奇毛萬里空
北風如刀翦疏雨江水作花花亂語何不昂首視天宇銀
河不流山川白踴身應入廣寒月豺狼遁跡老龍暗積素
浩浩生春心

金陵懷古

王氣寒煙碧南都入望勞亂鴉迎過客疏柳繫輕舸牛首
夕陽瘦蛾眉秋壘高空憐形勝在荒草弔青袍
片雲生幕府獨鳥下天門虛設長江壑難招六代魂晨霜
新草色夜月舊湖痕莫上臺城望鵲唳處處村

燃犀亭

過江一無事獨上燃犀亭野水意中綠閑雲人外青山深
遊翹翹木落見精靈欲問升沈理寒光照翠屏

早朝

晨起整襟帶寒星近曙稀卻憐經術薄敢謂宦情微陟岵
醒殘夢趨朝凜尺威舉頭問宮燕幾日向南飛

夏日同人小酌

客邸同開抱炎天興豈闌空囊謀醉少聖世致身難日
晚風彌細冰堅齒未寒當杯漫惆悵清露五雲端

別羅浮

輕帆高挂水煙深翠黛留人意不禁蘿月自來通鶴夢松
風何處駐雲心一天幽室徒相望他日芳春可重尋曉得

鷓鴣猶繫纜此中林壑是知音

重過小孤山

淩波依約赤城標一柱重過客思遙天外狂瀾如昔倒鏡
中青黛爲誰嬌關山扼險雲陰度殿閣盤空日影搖記得
文成征戰地夕陽孤岸草蕭蕭

晨書問張設周午夢其至

晨起書題春穀浦午眠客到皖公川衝風鶴羽一千里落
日鶯啼二十年棠樹清陰同白首片江夢中設周
言先人崇祀事桃花香
雨遍黃泉悲歡未了仍慙促雁影蕭蕭上暮天

皖江七夕

十年獻賦別離頻又值星期皖水濱到處秋風渾相識一

天碧浪更無津神光竟夕疑前浦遲暮何心怨美人忽憶
長生殿中事蕭條江上共誰論

題謝梅莊觀察奉母督運圖

板輿已破穹廬涕天庾甯分子舍身不盡恩波江上水倍
還沙塞夢中春榜歌正好調魚膾彩舞何妨學雁臣自匪
十年冰雪骨百城誰繪轉輸人

翁蓼野明府尋親詩

幾載尋春春不歸白雲餐盡楚山薇人隨風雨爲離合天
許生還有是非渾沌忽開遺鑰在蒼梧難耐寸心違班春
猶得依孤冢

自注蓼野時刺道州

五馬羣鴉噪落暉

送張栗夫少司寇歸親

中過瀟湘橋憩小茶肆見壁間小軸題詩云
對對響銅鈴侵曉街寒起驛亭欲停鞭玩殘雪
馬蹏踏碎亂山青款識羅洋山人四字士子疑焉
忽空際有人語云羅洋向不識耶一日舉以告人
或曰此近日湖南名士郭昆甫別號也君未讀羅洋草乎

柳林

古柳畫冥冥衣襟微綠上晴山夾迴澗春光共滉漾一轉
境絕奇蹊徑漸平廣亂石攢馬蹏忽送空林響長安栽滿
路日夕縛塵埃而能獨幽絕令人發遠想惜哉征夫近怨
別勞紛攘瞻言未暮春白髮蒙頭長

駐馬店

雨珠圓輕塵雲日射春曉麥浪瀉平綠天光共清遠關心
長路悲疲役不思返荒村未成寓車歇行人飯

杲杲篇

杲杲朝日暎屋瓦飛溼煙鳥語夢中覺披衣愜靜便一飯
出門去羣峯森其巔殘雲羃高樹亂流咽平田乃晤初晴
時始識雨意妍蹊路遙轉徙竹石紛糾纏焉知落花心山
山醉杜鵑平生尙古樸過訪乏幽禪杖策來田家繞舍春
葩然談笑迷主客飲此山中泉暮色自遠至霏霏薄斜川
相逐樵人歸春風與之顛但隨清溪轉自與柴門連到門
復悵望山月小如拳流水已不顧穿林去杳然

平林

平林忽已暝山山猶夕陽閒從石橋西迤邐春渡旁長風
送孤鳥飛沒遙夫蒼樵子待船歸坐息偃樹僵落景入潭

碧天水相與忘驚波忽蕩漾看人釣垂楊

題李寶森永懷圖

顛風獵獵塵滿城長安市上逢李生手持一幅丹青畫屬
我試作孤兒行嗚呼我何人乃復見此志畫師亦胡爲獨
貌傷心地年年思親淚橫溢化作空林杜鵑血回首兒嬉
如夢中時時跨竹隨阿翁又抱母頸索梨栗一唬一笑春
融融我生九齡君十一此時此樂將母同可憐椿萱忽異
色青松宅閉無消息不知何歲秋霜來飛上人頭消不得
吁嗟乎男兒不患難封萬戶侯亦何用識韓荊州更無須
作凌雲遊但願長年飲水啜菽時歡娛不然誓墓空椎牛
列鼎重茵翻更憂人生百年誰能酬縣縣此憾何時休

漂母祠

淮陰不侯母不祀一飯王孫千萬世施不望報良獨難能
哀王孫詎云易英雄落魄何代無往者子胥亡入吳瀨上
之女還捐軀邈然望古精魂俱我來把權凌珠湖天風渺
渺吹荻蒲嗚呼英雄落魄何代無

黃金臺故址

昔人高築黃金臺劇辛鄒衍樂毅來我今過之千載下此
臺突兀安在哉吁嗟乎燕昭已去郭隗死當時致士空流
水黃金之名尙如此

車格格行山東道上作

車格格行路難簸揚似是舟翻瀾敝裘坐擁日三飧饑兒

繞客索錢走天風止添身上寒一寸地上土同質還異論
下者爲泥滑高者爲塵昏塵昏杳然向空盡此是古來遊
子魂我行苦雨喜見日途乾已作沙隄痕車不格格行路
易瞎馬盲人自快意世閒豈有孫陽驥

畊養圖爲歐陽瑤岡作

我家羅浮萬山裏日抱漁竿泛湘水望中七十二芙蓉是
閒復有歐陽子君家茅屋山之隅泉甘土肥田繞廬種稻
作飯豆作粥一飽聊足爲親娛年年綠遍南陔草言采其
蘭不盈抱春風吹出楚山雲好花開滿長安道衆人誇君
坐讀書頭栽髯豸腰垂魚君獨長吟坡老句我是識字畊
田夫昔從山中供子職養雖不足樂有餘回指衡雲是歸

路靈烏反哺還吾初示我此圖號畊養我起動色爲嗟吁
天下方需御史言滿城冠蓋爭攀轅以祿養志未爲薄且
可緩賦歸來篇多言嘒嘒君不然翩然驄馬騎朝天頓首
再拜君王前乞身歸種南山田羣公餞送城西偏高車大
旆來喧闐道旁觀者皆曰賢我亦塵埃私自憐何日移家
紫蓋邊共君襍褊鋤荒煙

臯蘭和答孫鄰初四首

有序

鄰初與余爲總角交博聞強識足跡半天下戊辰冬將
赴甘之安化令視余西安臨行投余詩四首余未之和
也自今年來余與鄰初聚於慶陽又聚於固原今又同
來蘭州登臨之餘興懷陳迹遂用原韻作詩酬之余兩

人相許初不繫詩亦何至以贈答爲事聊以此紀溫寒

見離合而已

北地吟將別西戎路忽通濃陰三伏日飛雹五原風問夜

衣絲薄占年野穀豐所嗟長劍失山色背崆峒原注余向

劍赴固原時取道鎮固一帶未得上崆峒

木落邊心動逢君更漫遊天教河北走人帶火西流遠勢

開龍尾原注清暉閣名撲馬頭向來雙眼隔愁殺萬山秋

原注白蘭以來沿路皆荒山濁水無可登覽處

日日提壺出山窮復水窮泉聲矜宿將原注皋蘭五泉最勝相傳霍去病以

後卓地石色冷遺宮原注肅王府城郭寒煙白郊原老樹

紅一團形勝地中貯古秋風

同遊俱歷歷去日感堂堂

原注余與鄰初先後入仕老離秦更歷數郡時同遊覽

騷國來尋古戰場山川仍我輩歌哭自他鄉便欲吟歸去

雲天一渺茫

原注時余將南歸

舟發潭城

江色明如練微雲澹遠空懸崖晴帶雨行棹水生風岸草和煙綠山花綴雨紅夕陽波浩浩飛鳥自西東

早起二首

病餘常早起冬老正含清宿鳥高飛盡饑煙細欲生面團

翻自笑

原注放翁詩面團折竟何成

原注時余因病治醫書

昨夜吾

全記淒涼舊雨情

原注昨夜夢亡友村微九

鵲聲殘夢裏初日上吾廬冬暖如春令官貧逼歲除形容

頻攬鏡與味偶
攤書獨有牆東樹
參天豈不如

過武勝關抵客寓有作

欲盡千峯險能偷半日閒
階心欹亂石屋角點晴山
地僻人聲寂途長馬骨慳
不知春色裏何處夢鄉關

壺村對雪

南天風雪到鳬雁已前知
蒼翠落寒色黃昏非昔時
凍豪侵齒澀酒暈上肌
遲可信愁東野詩窮半不支

初夏雨後

微雨過亭午輕陰下
晚柯一聲曉鳥滑滿院落花多
舊讀背能憶新涼睡欲魔
紅塵看又合吾亦戀巖阿

再遊五泉

何獨當窗辨五泉邊聲都落盡欄前至今草木知飛將原
諸公如此河山感壯年四野天低猶白日一城人靜但
孤煙自來楚客吟秋慣身與閑雲有夙緣

雨夜有客

有客還應踞上乘暫時相向意凌兢窗鳴夜雨離騷部門
掩秋風蟋蟀鐙戰水茶聲紅葉活香山酒氣綠雲蒸邯鄲
記否前年過一枕黃梁各情騰

中秋前一夕同紫亭宿李氏園亭

當年曾此宅王侯世事湘煙變滅休霜老儘容狂客醉月
明不記美人愁長檠影滅悲華屋短杵聲多隔戍樓奇服
高冠閑不管半筵瓜果近中秋

湘潭晚發

又是孤帆挂客愁
蒼煙漸漸沒江樓
波翻塔影描斜日
風捲蘆花戰暮秋
魚網橫施三面水
霞光飛渡五湖舟
夕陽人醉沾聲急
無數鴉羣掠晚洲

長安題劍

身防三尺倚心堅
攜贈西來佩更懸
古屋獨眠風雨夜
重關頻犯虎狼天
他鄉見僕多更主
諸將征番又下年
檢點平生冰雪在
秦人休贈繞朝鞭

暮歸

睡起看雲又別峯
一年春事漫匆匆
牆桑葉密能催雨
溪柳花多不定風
伏枕故人來眼底
卷書餘味在胸中
生涯

未便空山手閒倚村扉送遠鴻

襄樊書感

太平未復此陵遲楚客臨流極望悲山雨後收
平叔淚水雲先謁米公祠一園草樹迷孤館四野
蒿萊沒斷陂我愛暮帆風色冷滿城燈火渡江時

漢上秋晚

緩緩歸帆信所之寒山雅度夕陽遲汀花寒早如
相泣江樹秋多不自持欹枕忽驚漁父唱推篷還憶
故人詩生涯未便滄江老愁雨愁風有所思

秋日同張二希仙孫大鄰初孫二仲修遊雷壇還龍
尾山小集由溝上入南門得絕句九首

走馬郭門西盤桓得幽處流水有遠心獨向黃河去

擊鼓步雷門風雨晴欲起長吟天聽卑忽見泥神喜

如何深山暢不遣雷霆入空中冷子飛原注秦人謂陌上

農人泣

何年養谷神仙人不可邁白日照空扉青山舞長袖原注

有孫思邈臥室壇後

小山名仙人舞袖

剔蘚讀殘碑王孫杳何所原注中有明老樹識前朝對人

不能語

回頭顧龍尾振衣上龍脊秋雲稍稍飛一嘯四山碧

未覺饑馬嘶但從衆賓樂山風吹酒人夕陽酣不落

晝隨溝水北暮逐溝水南語馬行莫疾此中花徑三

疏柳帶高衢人家密如織流泉但聞聲看作黃昏色

沈沈細馬奔去去高樓失

原注溝東西有白雪巖觀諸樓可供吟醉拍手語同

人相將樂明日

獨立

獨立荒苔上蒼茫遠樹齊白雲飛不盡零落數峯西

葛衣

葛衣生微涼雨洗山逾碧坐息嘉樹陰飛雲去無迹

偶成二首

杖策出煙篠披衣蹲石苔流水不能去風吹波自回
虛隔抱明性坐見遙山青山容如夢寐好風吹欲醒

確山道中遇雨

風細如翦春雨多於絲坐惜征衣溼落花飛滿枝
同年舒伯董招至合水得兩絕句

流水帶高岑馬鳴風蕭蕭春風語嘯鳥來日當花朝
出門愛山翠時對春風坐多年老鶴聲忽向空中墮
題趙梧生墨蓮

抱月雲猶溼飄煙風已流一時鄉思滿六月野塘秋

落日

落日滿船頭晴霞繞亂流可憐風色裏無限荻蘆秋

夢中作

自從秋病長春愁不出中門爛漫遊昨夜憑鞍新得句五
更風雨過蘆溝

冬夜卽事

鑪火深冬夜四更小窗留影抱孤清
門前閉得寒多少一院紅蕉雪子聲

秋夜

讀書窗下薄寒增露鵲風蟬迴不勝
黃葉半階愁罷酒青山一榻臥留燈

蒼雲疏雨夢初冥宿火殘香醉忽醒
昨夜夜闌花淚重倚欄頭落一天星

附錄姚姬傳先生惜抱軒詩集贈郭昆甫助教詩
老儒閉門元向白半耶石耶五鹿客寄生入盆爲
實數衰盛人閒如反手君才磊落天下奇四海賢
偶誰不知五年見子錫號陌澹沱東風吹鬢絲朝
爲石鼓詩莫奏鹿鳴雅先生且臥鴻都下絳帳三
經猶蕭瑟嗟我水車早資舟嗟君反衣狐白裘三

月春心寄鳴雁南來飛過岳陽樓又山陽阮侍郎
樊生七錄齋詩選題瀟湘問渡圖詩云煙峯雲起
淨如羅此地曾經擊楫過三十六陂春水潤瀟湘
回首故人多鹿原不作羅洋逝話到湘衡淚滿巾
君過洞庭應問訊橘州楓浦有詞人自注鹿原謂
武陵陳宗五羅洋謂長沙郭昆甫也案先生交滿
海內肝膽學識爲一時英雋所懽服
偶檢兩家詩附錄於此以志其概云

張河西垣 三首

垣字前五湘潭人乾隆甲子舉人官桂陽州學正
遷雲南河西縣知縣未赴有潭上草堂集河西之
父文炳爲詩壇名宿其子則世所稱陶園詩老也
名父之子名子之父同懷兄弟昆龍季虎雄視一
時皆著作才也潭上草堂集獨未見陶園集述其
官桂陽時大書一聯於學署門曰金銀氣以不貪

識文字交因無好親宮牆肅然蓋因桂陽歷設鉛
厰官斯土者多因緣爲利也

湘江雜詠

莫道陰山郭湘南不可尋晚洲喧畫角西望五雲深自注陰山

湘南俱在湘潭上流
湘南故址斷碑猶存

獨有朱亭夜峯懷靈應蒼祇今三縣月齊照鄧南陽自注靈應

峯當衡山湘鄉湘潭三縣界南
陽新野人鄧元達曾修煉於此

曉吸汨江雨千年杜若香可憐浮葉葉流不到長湘

周教諭宣知七首

宣知字

長沙人乾隆甲子舉人官溆浦縣教

諭有念貽賸紀一卷見四庫全書存目集未見

僅從激浦志雜識中得絕句數首

要初庫存目是

湖廣宣知曾祖繼聖聚鄉勇自守獻忠招反偽官
繼聖不從劫繫其母馬氏妻吳氏及其弟繼珩妻
陳氏繼隨妻項氏以脅之馬氏及三婦皆罵賊死
繼聖亦被斷腕後潛逃以免卒伺隙破賊復讐湖
廣總督何騰蛟上其功授教授乾隆壬午宣知哀
其行狀墓銘之類共爲一編而以繼聖遺詩附焉

激浦竹枝詞七首

曉來糴束倍新妍四月龍華浴佛天生小共隨阿母拜各

將心事祝神前

山中到處是生涯春去秋來慣作家收拾禾場無箇事背

攜兒女撿棉花

不是仙迷便鬼訶文狸羣從夜森羅靈巫絕好迎神曲只

憾無人續九歌

水激灘高網不施家家漁戶養鸕鷀大江中去風波惡且
向舟頭坐片時

洲渚奔泉聲四達輓轡噴雪日千環轎車勾碓皆機事觀
化翻憐水不閒

團圓已過歲除天柏酒辛盤取次煎持贈透花成故事手
搏明月自年年

帶經一樣荷鋤歸漢籍猺童果是非寄語裹鹽歸洞客可
能蠻布織弓衣

李舉人文煌 一首

文煌字茹中善化人乾隆甲子舉人明軒先生之
弟舉鄉試時年六十矣性孤介非力不食以窮餓

死

道鄉臺懷古

無復當年列炬僧
山餘淨盡水空澄
其尋禹蹟刊苔認
獨傍溪巖覓徑登
北海斷碑經野火
南郊荒時落枯藤
秋高韻客貪懷古
欲賦三湘暫未能

曾舉人璋一首

璋字莪上號樵雲益陽人乾隆甲子舉人著有樵雲文集莪士在雍正朝爲名諸生學使者習公竊以砥行鄉邦獎之嘗應聘修通志亦一時文獻也

深巷

深巷人稀至荒涼屋兩頭一泓流水靜三徑野花幽歲月

消黃卷心情憶白鷗終年長鍵戶身世本無求

彭浦江坊十一首

坊字禮崇一字儀岳衡山人衡陬教授仕商之于
乾隆甲子舉人官浦江知縣有瓦卮集浦江續學
篤行力承家學其歿也攸縣陳體齋先生夢元爲
之傳謂其初官長興爲歸震川所治地求歸所作
夢鼎堂記碑石無存卽購石重刻其儒雅撫字一
如熙甫云浦江之治最爲近古甫二歲而罷年僅
中壽然其氣度藹如仁厚君子矣其推許如此瓦
卮集今有刊本古文最有義法詩才力稍遜殆非
其所專習也

孤鶴行

孤鶴斷兩翼鳴聲何其悲有梟利嘴吻乃似相嫌猜所利
稻粱細安知大義違拍拍離落閒飛呼號其儕鶴豈顧稻
粱但痛羽翼乖吾聞梟食母肯念鶴摧頽棄置勿復道行
矣知柰何

韓昌黎有譴瘧鬼詩余謂不足譴也遣之而已

瘧鬼速遠去母爲久溷纏吾奉 天子命分發來浙埂卽
今攝長篆大吏委以權長地廣人衆庶事實駢闐爾久纏
吾身吾事不得專况有數大案一一當親研吾操印在手
視爾如蟲蛭吾牒城隍神驅爾加爾鞭姑貰爾自逝旣往
吾舍旃古人慎用法民爾鬼亦然爾行適四方吾病其卽

痊

巫山高

巫山高，高難企。仙佩縹緲十二峯，楚國縱橫幾千里。可憐懷王去不歸，三戶人哀九泉恥。君王忍心北面仇，朝朝暮暮陽臺留。至今巫山插天青，雲雨不來神女靈。

杭州歌

西湖半夜笙歌沸，半閒堂中蟋蟀戲。襄陽鼙鼓天地昏，三
年不宵援一騎。池州烽火及杭州，倉皇百萬甲兵潰。趙宇
宮闕已煙塵，可憐身死鄭虎臣。杭州歌歌莫唱湖山何人
殺，風景開元寺裏空。惆悵嗚呼亂臣賊子何代無，一身富
貴亦枉圖君不見。燕山餒魂柴市血照耀，千秋宋雙節。
原注

詞文山疊

山兩公

斷鍼吟為李晴山母作原注母胡孺人為江都光祿典簿李公中庵繼室進士李

南晴山母也

斷鍼吟吟聲一何苦寒閨寂寂編蘆居十指縫成千萬縷

田廬鬻盡誰持籌有兒可教母無憂原注母田廬為其姪

教無廣陵自古繁華地屬兒勿與富人遊孤燈夜夜弔江

月書聲刀尺雨不歇朝煙未出日亭午幾度餽飢其兒嚙

門外時多長者車中衣脫去飭中廚破穿蘆壁託鄰姥原注

客至母脫中衣穿蘆壁託鄰姥鬻以餉客此事古人良所無兒心腐盡涕滿面

猶殘斷鍼母不見年深鍼斷成繡鐵鍼鍼刺著兒心血

早行有感

天河方隱晦星月正朦朧露重低殘柳衣單怯曉風睡魔
濃似酒愁緒亂於蓬鎮日風沙裏紅輪又見東

武勝關

北極星辰近南關楚豫連危巖依老樹石壁削青天路險

鴻濛闢叢深鳥雀穿居民談古寨指點亂山前

原注地多古寨爲昔

時居民避兵處

外舅王九溪先生有喪子之戚作詩慰之

南來書疏到柴門聞說西河淚落紛絡秀總能興李氏

原注

側室李孺人所生

童烏終未與彖文淒涼白草燕臺墓悵慄清秋

楚塞雲萬里那須頻悵望游魂原未識榆枌

癸未元旦試筆

紅輪初御日華東萬戶笙歌樂事同遠樹漸分煙杳靄平
田遙見水冲融太平歲月閒中過漫浪詩篇醉後工四十
無聞吾漸老勉將心事課兒童

舟中夜坐書懷

扁舟取道上長安此去逢場作戲看客子情懷殊落落棘
人心緒况樂樂原注時先母營塋未久燈花無賴頻開焰酒力多情
未解歡不爲明時思一試肯辭先墓博彈冠

過嚴子陵釣臺

豈徒東漢開名節懦立頑廉百世師隱士姓能專一郡故
人書不答多詞雲山江水全無恙斷碣殘趺儘足支歎息
清忠同一轍西臺有記字淋漓

申邵武大年一首

大年字廷椿號鶴圃祁陽人乾隆丁卯舉人考授
方略館謄錄補翰林院待詔擢刑部郎中記名御
史出爲邵武府知府有聽樓詩集

舟過浯溪望東西二臺作

渡口縱扁舟叩舷泝淺瀨東風吹花開綺岸叢崦藹遙望
兩厓懸迴立孤雲外衆鳥翩然來鳴聲亦何噦遙山倚畫
屏流水相映帶窄徑響松篁平林澹煙靄懷哉漫叟居不
與讓溪會未審遂昌時幽奇孰爲最迹今數往還開眼惟
此賴清肅問漁翁胸期豁塵壒

陳教授致醇一首

攷醇字精齋武陵人乾隆庚午舉人長沙府教授
有精齋文集

乾州溪橋秋月

百尺飛虹跨綠波
洛妃清影鬪霜娥
澹拖素練松風遠
爽挹晶簾桂露多
人似星槎虛犯斗
鵲疑靈夕欲填河
秦樓一自蕭郎去
三五蟬娟奈爾何

夏舉人逢萼四首

逢萼字啟園益陽人乾隆庚午舉人

晚過毛七啟屏伯仲

落拓誰相問
殷勤屢見招
閒攜柳粟杖
一逐暮歸樵
徑僻盤山麓
溪迴渡野橋
沙田風景好
問路喜非遙

鬱千章裏泠泠一水閒白雲連野寺爽氣接秋山日夕
蟬吟噪庭虛鶴夢閑叩門驚倒徙相見爲開顏
舊族漸飄零君家詩禮庭弓裘存世澤馨歆想遺型馬氏
肩多白阮生眼獨青何因芝室入臭味許同馨
谷口尋歸路剡溪許再來主人情繾綣客子意徘徊回首
雲仍合浩歌風自催柴門時有憶朗月照荒苔

西寧澧二首

澧字靜川號藜軒新化人乾隆庚午舉人歷官直
隸易州州同西寧縣知縣以案獲遣安置浮梁卒
於戍所子七人景台叔衡景輝玉崑俱有聲

九日登青峯

翠微高處一回頭
資邵迢迢望裏收
紅葉半林鷹睡午
殘煙幾縷雁橫秋
百年身世雙丸迅
九日風光萬古愁
登眺莫誇腰腳健
眼前酬唱幾名流

落葉

春夢荒唐又一場
尖風陣雨太郎當
卽今搖落猶如此
卻慣淒涼也不妨
嚼蠟生涯原淡薄
如柴骨格敢輕狂
打頭且莫催行棹
有客言歸未辦裝

李舉人宗泮 一首

宗泮字樂思新化人
乾隆庚午舉人
早卒是科吾邑
舉於鄉者六人
樂思先生爲子和
文學之後距余
家僅里許其太翁
江書君與先大父
至交闈後

大父決其文必售舉酒相賀榜發果然鄉里至今
傳爲佳話詩不傳今從殘帙中得一首亟爲存之
奉酬鄧松堂丈見贈

幽人高臥西山麓閉戶希聞剝啄聲獨以琴書爲老伴尙
餘山水未忘情偶談軼事皆前史每語家常卽至情我是
通家諸子嫉望門已覺古心傾

易解元崑懼一首

崑耀字壘五一字玉鐘別號西嶺湘陰人舉乾隆
壬申湖南鄉試第一歷官安仁鄱縣教諭

弔易忠節公

在昔文皇時版章拓交趾充員重選人公過感知已受命

何英毅豈效兒女子朱轡莅南那邊徵輿情喜袂滿願倩
寇挽臂不得徒猖獗肆夷逆四面狼煙起師中亦丈人破
敵鮮長技陷郡日漸多豎子望風靡鼠竄而猿驚洵哉肉
食鄙大儒震其鄰籌練無甯晷寇焰勢方張挺義堅孤壘
守臣殉社稷靡他之死矢轟轟海天昏五月重圍裏糧盡
絕援師危城孤萬里九距攻益急臣瘁已盡此浩塞兩
關全家軀命委地維賴以尊天柱賴以峙安得子長筆編
傳續本紀

王萬年立槐

二首

立槐字蔭庭號南湖洲陰人乾隆壬申舉人官萬
年縣知縣有南湖文集南湖有史才與其兄勿齊

秀才立楷與修湖南通志桂林陳文恭公甚重之
遊神鼎二首

乾坤何太險峭壁矗空橫斷石猿攀陞孤松鳥過驚野煙
迷楚澤春水照湘城三戶人家小重湖一望平

小憩虹橋畔泉聲似玉琴晚霞燒石壁古鼎鎮江潯妙書
開天地幽懷動古今雪山無限意回首一沈吟

張教諭正笏

四首

正笏字書思號筆石湘鄉人乾隆壬申舉人官武
陵教諭著有經學備纂擲虛叢語說書唾餘自種
編文集等書筆石先生兩中副榜始舉於鄉積學
力行爲連道需碩嘗評選攸縣陳桃文衡陽王克

止邵陽王能愚車補旃文合爲楚南四家湖湘之士翕然從之

壬寅冬致仕歸里畱別武陵諸生

薄宦羈牽閉水滸苦吟猶似在山時桃花洞口迷漁父桮
葉堆中老畫師八十年來鑽故紙一千里外擁臯比雪鴻
蹤跡知何定肯學鷓鴣戀一枝

縹緗插架燦琳瑯不用紅帷隔講堂暫以讐書分乙火敢
期尸祝到庚桑眼前杜甫衣能典門外侯芭酒亦香歸老
橋邊鄉思動種花夢繞碧雲莊

自笑眞成贅世翁耽吟何異可憐蟲潁川鼓史空懷刺國
子先生懶送窮此去暫拋雞筋味向來杜費鉅輪功季鷹

今識蓴鱸美身世無須歎轉蓬

家在湖南溪上居繩樞囊牖卽吾廬
俸錢難買三弓宅宦橐猶畱一卷書
老矣龍鍾偏健飯歸與瓠落且懸車
他年泛棹如相訪可識溪邊舊日漁

李壽張紹富一首

紹富字以鄰善化人乾隆壬申舉人山東長清壽
張縣知縣

嶽麓懷古

靈麓峙崇岡從龍鬱蒼翠縣亘勢蜿蜒巒壑多幽異石壁
俯百仞巉崖復深邃上有神禹碣鴻濛洩奇秘名傳北海
碑道發南軒記紫陽興講學流風婉洙泗往復恣流連歷

歷皆可誌懷古發謳吟悠然起長喟

文教諭上杰 二首

上杰字冠南善化人乾隆癸酉舉人會同教諭

過龍洞口占

古洞一邨煙風光瞥眼前綠陰濃野樹春意動山泉僧踏
雲邊路人耕雨後田碧挑開兩岸誰擢武陵船

水陸洲

水落沙成市波平月到門分明成島嶼隱約見煙邨
清盡雙流合山連遠樹昏同舟餘興在便擬弔湘魂

李舉人啟昆 一首

啟昆字玉齋號蓼園常寧人乾隆癸酉舉人常寧

十子之一

送王三霍霖遠遊

王子慧而貞獨識超乎界心胸列宿羅造化失狡獪少小
同佔畢時時吐光怪深心託墳典磅礴千萬派潑潑活水
來豪髮不牽挂纖微穿溟滓荒穢盡斬艾歛爾履康莊呀
然獲奇快邇來更平澹古人同所屆紛予滋內美萬物齊
纖芥徜徉薄世榮瀟灑脫塵械一朝別吾黨將欲遠行邁
平生澹宕人偶世無睚眦但識山川趣奚用逐媒介我行
亦已倦所遇多感喟歸來掩柴門久未披金薤臨岐多贈
言鄙人拾秕稗爰成五字詩聊以代清話

袁象山淑先

四首

淑先字謨甫桂陽人乾隆癸酉舉人初官黔陽教諭嘗採黔事有關風教者自王少伯以下各係以詩曰龍標芳躅吟官象山縣知縣尤有聲

王少伯芙蓉樓

風雨暗五溪支離笑誰是醉路失松溪拾葉僅爨此一生
家國淚李杜輝前史
荆棘豈鳳棲遠謫若素耳德澤播遐荒點點泛沅水欲上芙蓉樓太息空煙裏

醉石軒

昔聞李學士醒石真超越乘醉踞其巔科頭露其骨今擬
平泉勝巘屹儼列芴非醒卻爲醉怪氣同鬱勃

浪雪軒

微風漾層壑浪鋪凝玉屑况復皓魄俱秋滿一林雪行行
藥欄砌頓驚屐齒折白鳥窺閒客修翎清且潔

仙月亭

遙巘生素月池破一痕青寒煙深古木秋水冷孤亭夜來
尋藥譜照字光熒熒玉宇疑仙路悄然戶半扃

徐教諭士範二首

士範字楷儀一字正亭長沙人乾隆癸酉舉人沅
陵縣教諭

舟入辰陽界口占

塞草連雲長灘聲帶雨號山川原險阻天地自波濤野岵
風堅壁江寒酒洗刀承平厭兵革彌望氣蕭騷

贈別胡郡博

送客辰陽路蕭蕭萬木乾艱難念時事慷慨獨儒冠別後
關河阻尊前風雨寒平生知己淚容易對君彈

譚溧陽之綱五首

之綱字雪山茶陵人乾隆癸酉舉人溧陽知縣有
雪山詩集雪山先生與弟之紀齋名嘗同孫鄰初
陳謙甫佐長沙守呂公肅高校刊廖大隱楚風補
楚詩紀蓋一時名宿也子定元立齋聲元希齋皆
有名希齋先生仲兄雲渠所嘗受業師也

丙寅重九客武昌書感

微霜落重九衰草枯天寒未晨先已興倚枕淚闌干故鄉

去未遠憂思何爲繁連宵夢高堂旣覺心爲酸結髮事鉛
業常懷行役艱謂當博微祿將以開親顏人事忽轉燭嗟
爲此纍纍仰視黃鶴樓時有白雲團白雲常在眼黃鶴幾
時還脫葉辭故根委命飄風閒秋氣日凜烈秋風日凋殘
悲哉失路兒愴惻摧心肝

春杪攜家歸雲鶴山莊

十年如夢墮江城老屋歸來萬慮清雞犬夜甯知俗靜耕
桑業定信身輕登樓自攬煙霞氣欹枕還聽誦讀聲自注
課孫野叟閒來話晴雨始知節序近清明

谷口躬耕羨子真此生不復作遊民山中十畝閑閑意世
外孤蹤落落身坐柳黃鶯常共語銜花紫燕偶相親索居

欲把離愁遣閒讀南華似故人

紀弟巢縣署後臥牛山種松四千株有作

何須淺紫與深紅講院深宜竹柏同

自注山前卽牛山書院 卽使種

隨寒澗老已無人指此山童虬鱗青抱參天色髣髴疏含
拂檻風雅識樹人難樹木幾回清夢擬三公

龍山曾飲席上偶成

到此並無風落帽開軒更喜日當頭江山特放霜天畫妙
手難工遠勢浮

黃永昌體德一首

體德字芝亭桂東人乾隆癸酉舉人官襄陽通判

永昌府同知

讀書增福寺

明月夜滿山窗草夕延露雖與緇錫鄰清景各自度夜鐘
禪定時疏林客獨步動中無滯機靜極理已悟講學殊陸
王戒爲聰明誤我自讀我書動靜行吾素

陳訓導運唐一首

運唐字文煥郴州人乾隆癸酉舉人官永州訓導
又魚亭懷古

濠上觀魚樂天涯寄此身炬然明似晝又落浪翻銀把釣
思巖瀨投竿憶渭濱關心悲涸鮒素志在批鱗風雨孤舟
客煙波萬里臣他年驅鱷處回首惜前因

周西亭惠鐔一首

惠鐸字香坪安仁人乾隆癸酉舉人廣東西寧縣知縣

題社合庵

曾聞故老說滄桑梵宇由來古社場五土往時薙茅白一
瓢今已布金黃鐘聲入定風雷寂鐙影長明日月光欲問
當年闔井舊環山煙火自茫茫

陳舉人益

三首

益字謙甫益陽人乾隆癸酉舉人有損齋詩集楚
風補刊行時謙甫曾與其事亦名流也損齋詩集
少可存者故所錄止此

古詩

馬生故門客彈鋏胡乃私毛生欲處囊脫穎竟何爲三窟
國無恩九鼎盟亦危辨士舌如電二生世所推吁嗟侯王
門堂堂仁義卑

早發天心湖

水氣蒸天白朝煙射日黃舟行兼信宿山色盡冥茫點岸
花迎棹銜泥燕拂檣不知帆力怯猶喜北風長

夜過邵伯

秋月照無際秋風吹易驚四圍雲作岸百里水爲城茶竈
烹幽夢詩瓢貯旅情沈浮身世渺搔首問長庚

劉教諭元煒二首

元煒字

湘潭人乾隆癸酉舉人官通道縣教

論

和秦禮堂明府宿鑿石浦原韻

老渡湘江展石牀風騷時許問禪堂爲尋舊浦吟詩處並
弔斜陽過柳塘春草有情迎客入白雲無意笑人忙賢侯
偶宿饒清賞忘盡鐙前午夜涼

一夕和雲宿澗阿兵戈未息總蹉跎秦關楚澤愁身老缺
月寒煙促憾多滿岸穠花如欲語倚窗修竹自相摩夜深
幾處來漁笛想見當年發浩歌

歐陽教諭永錫一首

永錫字安愚號梅南新化人乾隆癸酉副榜官安

化教諭

阻風洞庭

怒風號不已聒耳未成眠卅載奔馳客扁舟信宿緣月明
波湧雪露重水生煙無限深秋意湖天共渺然